



QQI

Quality and Qualifications Ireland
Dearbhú Cáilíochta agus Cáilíochtaí Éireann

Dearbhú Cáilíochta agus Cáilíochtaí Éireann
Tuarascáil Bhliantúil
2016

www.QQI.ie



Dearbhú Cáilíochta agus Cáilíochtaí Éireann

TUARASCÁIL BHLIANTÚIL 2016

Clár

Réamhrá	1
Mar gheall ar an QQI	3
Fís, Bunchuspóir, Luachanna agus Cuspóirí	4
Dul chun cinn i gcomparáid lenár gCuspóirí 2016	5
Rialachas	20
Gnóthaí Corparáideacha	23
Aguisíní	26



Réamhrá

ón bPríomhfheidhmeannach agus ón gCathaoirleach

Léirítear sa tuarascáil bhliantúil seo don bhliain 2016 príomhghníomhaíochtaí an QQI ina cheathrú bliain ghnó. Is é seo an tuarascáil deiridh laistigh de thréimhse dara ráiteas straitéise na heagraíochta 2016-2018.

Bhí cúig chruinniú ag Bord an QQI i gcaitheamh na bliana. Bhí cúig fhochoiste na heagraíochta, an Coiste Iníúcháireachta, an Coiste Feidhmiúcháin um Chláir agus Dámhachtainí (PAEC), an Coiste Maoirseachta um Chláir agus Dámhachtainí (PAOC), an Coiste um Cheadú agus Athbhreithnithe (ARC) agus an Coiste um Beartais agus Caighdeáin (PSC) i mbun oibre i gcónaí agus ag tuairisciú don Bhord maidir lena gcuid gníomhaíochtaí. Cuirtear torthaí chruinnithe an Bhoird agus chruinnithe na bhfochoistí ar fáil don phobal ar shuíomh gréasáin na heagraíochta.

Tháinig mórchuid d'fhorbairt beartais an QQI chun buaice i 2016 nuair a eisíodh na Buntreoirínte Reachtúla maidir le Dearbhú Cáilíochta le haghaidh na soláthraithe uile oideachais agus oiliúna, mar a cheanglaítear faoi Acht 2012 lenar bunaíodh an QQI. Forlónadh na buntreoirínte seo le treoirínte saintopaice agus sain-earnála a bhaineann le comhlachtaí dámhachtana ainmnithe, institiúidí teicneolaíochta, soláthraithe neamhspleácha agus soláthraithe de chláir reachtúla printíseachta.

Ba i mbliana, leis, a d'fhoilsigh an QQI a bheartas ar Athbhreithniú Institiúideach ar an Ardoideachas as a leanfaidh an tríú timthriall d'athbhreithnithe den chineál seo ag tosú i 2017.

Foilsíodh beartas agus critéir nua maidir le bailíochtú cláir oideachais agus oiliúna.

Tionscnaíodh athbhreithniú ar thionchar an Chreata Náisiúnta Cáilíochtaí agus próiseas trína n-athbhreithneofar svúit caighdeáin dámhachtana oideachais agus oiliúna an QQI.

I 2016 síníodh Meabhrán Tuisceana idir an QQI agus an tÚdarás Breisoideachais agus Oiliúna (Solas) mar chomhlánú ar an meabhrán a bhí i bhfeidhm cheana féin idir an QQI agus an tÚdarás um Ardoideachas.

B'údar sástachta dúinn trí chomhdháil ar bhreiseiú cáilíochta a eagrú a mheall tinreamh mór ó réimsí Mhúineadh an Bhéarla, an Bhreisoideachais agus Oiliúna agus an Ardoideachais.

Ba é buaicphointe na hoibre seo gur tháingamar isteach i 2017 le treo soiléir don eagraíocht chun bogadh ar aghaidh ó chéim forbartha beartais go dtí céim feidhmithe beartais; sa bhliain atá amach romhainn beidh sraith nua beartais agus nósanna imeachta a bunaíodh faoi Acht 2012 á gcur ar fáil do bhonn éagsúil soláthraithe breisoideachais agus ardoideachais agus oiliúna an QQI.

Tá i gceist againn obair leantach a dhéanamh i 2017 ar na moltaí tús áite san Athbhreithniú Eagraíochtúil den QQI a choimisiúnaigh an Roinn Oideachais agus Scileanna i 2016.

Mr Gordon Clark
Cathaoirleach, QQI

An Dr Pádraig Walsh
Príomhfheidhmeannach, QQI



Mar gheall ar an QQI

Bunaíodh an QQI (Dearbhú Cáilíochta agus Cáilíochtaí Éireann) leis an Acht um Cháilíochtaí agus Dearbhú Cáilíochta (Oideachas agus Oiliúint) 2012. Is gníomhaireacht stáit é, agus is é an tAire Oideachais agus Scileanna a cheapann baill neamhfheidhmiúcháin an Bhoird.

Táimid freagrach as dearbhú cáilíochta seachtrach a dhéanamh ar bhreisoideachas agus ardoideachas agus oiliúint (soláthar mhúineadh an Bhéarla san áireamh) in Éirinn. Déanaimid cláir a bhailíochtú, dámhachtainí a bhronnadh agus is muidne atá freagrach as an gCreat Náisiúnta Cáilíochtaí (CNC) a chur chun cinn, a chothabháil, a fhorbairt agus a athbhreithniú. Ina theannta sin, cuirimid an pobal ar an eolas maidir le cáilíocht na gclár agus na gcáilíochtaí oideachais agus oiliúna, agus cuirimid comhairle ar an Aire maidir le beartas náisiúnta i dtaobh dearbhú cáilíochta agus breisiú an oideachais agus na hoiliúna.

Tá geallsealbhóirí againn i ngach earnáil oideachais agus oiliúna: foghlaimoírí, soláthraithe, fostóirí, ranna rialtais, gníomhaireachtaí stáit agus comhlachtaí maoiniúcháin, comhlachtaí rialála, comhlachtaí gairmiúla, comhlachtaí dáfa cáilíochtaí, an earnáil pobail agus deonach, comhlachtaí ionadacha agus comhlachtaí idirnáisiúnta atá freagrach as dearbhú cáilíochta agus cáilíochtaí.

Fís, Bunchuspóir, Luachanna agus Cuspóirí

Ár bhFís

Deiseanna ardchaighdeáin forleathana oideachais agus oiliúna a bhfuil meas orthu go náisiúnta agus go hidirnáisiúnta.

Ár Misean

Is é ár misean:

- Breisiú na cáilíochta i gcórais bhreisoideachais agus oiliúna agus i gcóras ardoideachais agus oiliúna na hÉireann a chur chun cinn;
- Cáilíocht soláthraithe a dhearbú; agus
- Tacú le córas cáilíochtaí atá ar leas foghlaimeoirí agus geallsealbhóirí eile agus an córas sin a chur chun cinn.

Ár Luachanna

A bheith foghlaimeoir-lárnach

An cultúr a chuirimid chun cinn i gcúrsaí oideachais agus oiliúna agus i gcáilíochtaí, is cultúr rochtana, freagrúlachta, solúbthachta, iontaoibh agus cáilíochta é. Cuirimid an foghlaimeoir i gceartlár obair na heagraíochta agus spreagaimid geallsealbhóirí chun déanamh amhlaidh.

A bheith dírithe ar fheabhsú

Is eagraíocht sinn atá ag foghlaim agus ag forbairt agus geallaimid caighdeán ár gcuid oibre a mheas agus a fheabhsú go leanúnach. Is é sin an buntaca leis na cineálacha cur chuige atá againn i leith cháilíocht an oideachais agus na hoiliúna a dhearbú agus a chur chun cinn.

A bheith comhoibritheach

Téimid i gcomhar lenár ngeallsealbhóirí chun muinín a chothú i ndeiseanna oideachais agus oiliúna agus im aithint cáilíochtaí agus chun na deiseanna sin agus an t-aitheantas sin a fheabhsú.

A bheith neamhspleách

Cé go n-oibrímid laistigh de chreat ginearálta bheartas an Rialtais, is eagraíocht neamhspleách sinn ó thaobh ó thaobh ár bhfeidhmeanna a chomhlíonadh agus cinntí a dhéanamh. Cuirimid romhainn a bheith macánta, trédhearcach, cóir, cothrom, neamhchlaonta agus oibiachtúil.

A bheith gairmiúil

Caithimid le gach duine le meas, dínit agus cúirtéis. Comhlíonaimid na caighdeáin seirbhíse poiblí is airde maidir le bheith cuntasach, éifeachtach, freagrúil agus éifeachtúil.

Dul chun cinn i gcomparáid lenár gCuspóirí 2016

Féachaimid le cinntiú go gcuirimid seirbhís ardchaighdeán ar fáil a thugann luach ar airgead don cháiniócoir. Chuireamar tús i 2016 leis an obair ar an dara ráiteas straitéise 2016-2018. Leagtar amach sa straitéis sin aidhmeanna agus cuspóirí an QQI sna chéad trí bliana eile. Ba é 2016 an chéad bhliain inar oibríomar i dtreo na gCuspóirí nua sin. Sna ranna seo a leanas rianaítear an dul chun cinn a rinneadh maidir leis na sé chuspóir amach go dtí deireadh 2016.

CUSPÓIR 1: TACÚ LE FORBAIRT CLÁIR OIDEACHAIS AGUS OILIÚNA LE HOIDHEANNA AGUS TORTHAÍ FOGHLAMA SOILÉIRE CEIRDE AGUS/NÓ OIDEACHAIS LE HAGHAIDH ROGHANNA EOLACHA GAIRME AGUS ROGHANNA EOLACHA EILE.

Dámhachtainí agus Caighdeán

Is é cur chuige straitéiseach an QQI i leith cáilíochtaí a chinntiú go mbíonn na caighdeán as a leanann dámhachtainí an QQI ábhartha agus oiriúnach don chuspóir i gcónaí. Tá cur chuige dhá rian forbartha againn chuige sin:

- Geallaimid taighde agus athbhreithniú a dhéanamh ar mhúnlaí/cineálacha nua cur chuige i leith cáilíochtaí sna hearnálacha breisoideachais agus ardoideachais agus oiliúna (lena n-áirítear cineálacha cur chuige i leith creidiúintí) agus ag an am céanna
- Na socruithe reatha dámhachtana a fhorbairt, a choimeád ar bun agus a athbhreithniú

Dhíríomar ar feadh cuid mhaith de 2016 ar chur chuige comhtháite a bhunú i leith athbhreithniú ar chaighdeán dámhachtana sa bhreisoideachas agus san ardoideachas agus oiliúint. D'fhorbraíomar raon agus cur chuige i leith athbhreithniú ar chaighdeán ar leibhéal 1 go 9 den Chreat Náisiúnta Cáilíochtaí (CNC) mar aon le himlíne de sceideal gníomhaíochta go 2019. Beidh comhairliúchán le geallsealbhóirí maidir leis an gcur chuige beartaithe ina bhonn le gníomhaíocht maidir le caighdeán dámhachtana go ceann trí bliana eile. Foilsíodh an doiciméad comhairliúcháin **'Athbhreithniú ar Chaighdeán Dámhachtana an QQI - Cur Chuige agus Sceideal'** in R4 2016.

Athbhreithniú ar Dhámhachtainí agus Caighdeán

Bhí an QQI páirteach i ngrúpa athbhreithniúcháin mar chuid d'athbhreithniú faoi threoir Teagasc. Dhírigh an t-athbhreithniú ar mhórdámhachtainí Leibhéal 5 agus 6 agus dámhachtainí sainchuspóra Leibhéal 6 sa Talmhaíocht. Ba é toradh an athbhreithnithe seo athrú suntasach ar na caighdeán dámhachtana, athruithe atá á gcur chun feidhme faoi láthair.

Ar iarratas ó Fháilte Éireann, bunaíodh grúpa caighdeán chun dámhachtain nua i dtreorú turas a fhorbairt. Rinne an grúpa athbhreithniú ar na dámhachtainí sainchuspóra Leibhéal 6 atá ar fáil sa réimse sin cheana féin. Ba é an toradh cuíchóiriú ar líon na ndámhachtainí a bhí ar fáil chomh maith le caighdeán dámhachtana nua sainchuspóra Leibhéal 6 de Threorú Náisiúnta Turasóireachta.

Caighdeán Dámhachtana Nua

Forbraíodh roinnt caighdeán nua dámhachtana lena n-áirítear dámhachtain sainchuspóra Leibhéal 6 in Oibríochtaí Comhrac Dóiteán agus mórdámhachtain Leibhéal 6 i Léiriú Meán Digiteach a thabhairt chun críche. Ar leibhéal córas, cuireadh tús le mionathrú agus athbhrandáil shonraíochtaí dámhachtana breisoideachais agus oiliúna le sonraíochtaí Leibhéal 4-6 agus leanfaidh sé sin ar aghaidh i 2017.

I 2016 forbraíodh na caighdeán nua dámhachtana seo a leanas agus rinne comhairliú maidir leo:

- Ardteastas Leibhéal 6 i bhForbairt Tionscadail Gréasáin
- Buaic-chúrsa Leibhéal 6 i bhForbairt Tionscadail Gréasáin
- Teastas Comhpháirte Leibhéal 6 i Ríomhchlárú Idirlín
- Ardteastas Leibhéal 6 i Léiriú Meán Digiteach
- Buaic-chúrsa Leibhéal i Léiriú Meán Digiteach
- Teastas Comhpháirte Leibhéal 6 i Scripteanna Idirghníomhaíochta don Idirlíon
- Teastas Sainchuspóra Leibhéal 6 in Oibríochtaí Comhrac Dóiteán

Forbairt Beartas

Foilsíodh na beartais seo a leanas i 2016, tar éis comhairliúcháin leathan le geallsealbhóirí:

- Beartas le haghaidh Athbhreithniú Timthriallach ar Institiúidí Ardoideachais
- Beartais agus Critéir le haghaidh Bailíochtú Cláir Oideachais agus Oiliúna
- Treoirínte Sain-earnála maidir le Dearbhú Cáilíochta le haghaidh Institiúidí Teicneolaíochta

Gníomhaíocht Phiarfhoghlama

Rinne an QQI comhóstáil ar Ghníomhaíocht Phiarfhoghlama i mBéal Feirste, Tuaisceart Éireann, leis an EQF (An Creat Eorpach um Cháilíochtaí), Pointí Náisiúnta Comhordúcháin na hÉireann agus an RA i gcomhar leis an gCoimisiún Eorpach agus Cedefop (An Lárionad Eorpach um Fhorbairt na Gairmoiliúna). Díriodh ann ar cháilíochtaí fágála scoile sa mheánscolaíocht uachtarach a thugann rochtain dhíreach ar chúrsaí céime chéad timthriall agus a n-ionad san EQF. Bhí tuairim agus 40 rannpháirtí ó thíortha Eorpacha éagsúla i láthair.

Ba é aidhm na gníomhaíochta:

- anailís a dhéanamh ar a mhéad tionchair atá ag torthaí foghlama ar chothromú na gcáilíochtaí fágála scoile laistigh de chreataí náisiúnta cáilíochtaí agus tosca eile a aithint atá tábhachtach maidir le leibhéal do cháilíochtaí fágála scoile a aithint;
- neamhréireachtaí trasnáisiúnta braite a aithint sa tslí ina nasctar cáilíochtaí fágála scoile le leibhéal de chreataí náisiúnta cáilíochtaí;
- bonn a chur faoi fhorbairt an phróisis tagraíochta EQF amach anseo, go háirithe próiseas na gcomparáidí cothrománacha; agus
- féachaint a mhéad a úsáidtear leibhéal CNC agus EQF chun luach a chur ar cháilíochtaí fágála scoile le haghaidh cuspóirí a bhaineann le soghluaisteacht trasteorann.


Bhí an QQI páirteach i bplé phainéil ag comhdháil Cedefop dar teideal *Making Learning Visible*, in Thessaloniki i Samhain 1916.

An Creat Náisiúnta Cáilíochtaí

Is ar an QQI atá an fhreagracht reachtach as an CNC. Tá ceangal orainn an CNC a chur chun cinn, a choimeád ar siúl, a fhorbairt tuilleadh agus a chur chun feidhme ar mhaithe le cáilíochtaí a fhorbairt, a aithint agus a bhronnadh in Éirinn.

I 2016 gheall an QQI tionchar leanúnach an Chreata Náisiúnta Cáilíochtaí a mheasúnú. Choimisiúnaíomar Measúnú Tionchair Beartais ar an CNC agus mar chuid de rinneamar suirbhé ar líne chun tuairimí geallsealbhóirí a bhailiú ar thionchar an CNC go dtí seo, tuairimí a bheadh mar bhonn le forbairt an CNC feasta.

I 2016 d'fhoilsíomar páipéar saineolaithe *Qualifications Frameworks – Reflections and Trajectories*. Is é aidhm an pháipéir seo bonn taca a chur faoin díospóireacht mar gheall ar fhéidearthachtaí agus theorainneacha na gcreataí cáilíochta mar uirlisí le haghaidh athchóiriú.



ENIC NARIC

Tugann NARIC Ireland, a óstálann an QQI, comhairle saor in aisce ar fáil maidir le haithint cáilíochtaí eachtracha in Éirinn.

Is é ár suíomh gréasáin www.naric.ie an príomhfhoinsé comhairle maidir le haithint cáilíochtaí mar ar féidir le daoine ráitis inchomparáideachta a fháil ina ndéantar comparáid idir a gcáilíochtaí eachtracha agus cáilíochtaí ar an gCreat Náisiúnta Cáilíochtaí. Is é ár gcuspóir líon na ráiteas inchomparáideachta atá ar fáil tríd ár suíomh gréasáin a mhéadú go réidh. Mhéadaíomar an líon sin de 24% i 2016 agus tá os cionn 870 cáilíocht ó 60 tír nó mar sin inár mbunachar sonraí anois. Phróiseáil an tseirbhís 3,000 iarratas nach mór ar aitheantas acadúil i 2016, a bhformhór tríd ár seirbhís ar líne.

Taispeánann anailísíocht suíomh gréasáin do 2016 gur tugadh 46,000 cuairt aonair nó mar sin ar na leathanaigh ábhartha tíre de cháilíochtaí liostaithe.

Ba iad na príomhleathanaigh suíomh gréasáin tíre a osclaíodh ná:

- An Bhrasaíl
- An Ríocht Aontaithe
- An Pholainn
- An Spáinn
- An Chróit

CUSPÓIR 2: TACÚ LE FORBAIRT COSÁN FOGHLAMA AR FEADH AN TSAOIL LE HAGHAIDH FORBAIRT PHEARSANTA, SHÓISIALTA AGUS GHAIRMIÚIL.

Aitheantas d'Fhoghlaim Roimh Ré

Is ionann Aitheantas d'Fhoghlaim Roimh Ré agus moladh ón AE maidir le bailíochtú foghlaim neamhfhoirmiúil agus mífhoirmiúil faoi 2018. Tuairiscíonn an QQI thar ceann na Roinne Oideachais agus Scileanna chuig grúpa comhairleach an EQF maidir le dul chun cinn i leith an chlár oibre seo. I 2016, chuir an QQI páipéar staidéar scóipe isteach, ag tacú leis an Roinn, ina raibh cur síos achomair ar thograí trína bhféachfaí le moladh an AE a bhaint amach.

Lean an QQI den obair seo a fhorbairt trí líonra cleachtóirí Aitheantas d'Fhoghlaim Roimh Ré, a sholáthraíonn fóram do chleachtóirí i ngach cuid den oideachas poiblí, príobháideach, breisoideachas agus ardoideachas agus oiliúint agus ina theannta sin i gcomhlachtaí gairmiúla agus geallsealbhóirí ábhartha eile.

I 2016 bhí trí chruinniú ag líonra RPL, rud a sholáthair deiseanna chun an cleachtas reatha sa réimse seo a scrúdú agus a athbhreithniú.


Fóram an QQI agus an Bord Oideachais agus Oilíúna

Bhunaigh an QQI agus na Boird Oideachais agus Oilíúna (ETBanna) fóram i 2014. I 2016 athraíodh struchtúr an fhórait chun léiriú a thabhairt ar na forbairtí ba dhéanaí san earnáil ETB. As sin eagraíodh cruinnithe idir Fhóram na bPríomhfheidhmeannach le Príomhfheidhmeannach agus Stiúrthóirí an QQI. Mhol an QQI leagan amach den phlean athchaidrimh leis an ETB, agus cuireadh fáilte roimhe. Ceapadh stiúrthóirí breisoideachais agus oilíúna mar struchtúr foirmiúil ceannaireachta agus rialachais laistigh de na ETBanna agus bunaíodh grúpa straitéise breisoideachais agus oilíúna chun dul i mbun oibre leis an QQI ar an ts lí leis an bplean athchaidrimh a chur i ngníomh.

An Scéim um Naisc Ardoideachais

Tugann an Scéim um Naisc Ardoideachais deis d'úsáid a bhaint as a mórdhámhachtainí Leibhéal 5 nó 6 den QQI chun iarratas a dhéanamh, tríd an Lár-Oifig Iontrála, ar áit sa chéad bhliain de chlár ardoideachais.

Rinneadh taighde tosaigh le trí cinn de ETBanna maidir le socrúithe áitiúla agus naisc le clár laistigh d'institiúidí áirithe ardoideachais ar mhaithe le heilimintí de chleachtas éifeachtach a bhunú, a rachadh chun leasa ETBanna eile. Rinneamar iniúchadh i 2016 ar naisc fhoilsithe na scéime. Rinneadh an t-iniúchadh i gcomhar le SOLAS. Foilsíodh treoir eolais don scéim 'Deiseanna Forchéimnithe isteach san Ardoideachas (*Progression Opportunities into Higher Education*) i nDeireadh Fómhair.



IQAVET

I 2016 d'éirigh leis an QQI cistiú AE a fháil do thionscadal Líonra na hÉireann um Dhearbhú Cáilíochta sa Ghairmoideachas agus Oilíúint (IQAVET) trí iarratas ar dheontas. Is é tionscadal IQAVET an pointe náisiúnta tagartha don líonra Eorpach um Dhearbhú Cáilíochta sa Ghairmoideachas agus Oilíúint. Tá tionscadal IQAVET freagrach as tacú le socrúithe dearbhaithe cáilíochta sa bhreisoideachas agus oilíúint in Éirinn. Ag an am céanna, cabhraíonn tionscadal

IQAVET chun tarraingt ar acmhainní agus faisnéis atá ar fáil ar fud an AE.

Tar éis cistiú a fháil, d'óstáil an QQI trí cinn de sheimineáir dírithe ar sholáthraithe breisoideachais agus oiliúna. Díríodh i ngach ceann de na seimineáir sin ar tháscairí éagsúla EQAVET agus pléadh an fhéinmheastóireacht mar chuid de struchtúr rialachais an dearbhaithe cáilíochta.

Tá tuarascáil deiridh an tionscadail seo ar fáil ar shuíomh gréasáin an QQI.

Seirbhísí Qualifax

Is bunachar sonraí leathan de na cláir oideachais agus oiliúna atá ar fáil in Éirinn é Qualifax, agus is é an QQI a óstálann é. Tá os cionn 15,000 cúrsa liostaithe faoi láthair sa bhunachar sonraí agus taifeadadh os cionn 530,000 úsáideoir den suíomh gréasáin anuraidh. Rinneadh an líon ba mhó cuairteanna in Eanáir, nuair a taifeadadh 78,000 amas nach mór ar an suíomh gréasáin. Tugadh an suíomh chun dáta maidir leis na cúrsaí uile don bhliain seo chugainn (2017) agus chuir an fhoireann an tseirbhís ar aghaidh trí a bheith i láthair ag príomhimeachtaí ar nós Higher Options agus ag an gComhdháil Náisiúnta d'Institiúid na nGairmchomhairleoirí.

CUSPÓIR 3: MAIRSEACHT A DHÉANAMH AR CHÓRAS FEABHSAITHE DEARBHAITHE CÁILÍOCHTA ATÁ CUIMSITHEACH AGUS A CHOTHROMAÍONN CUNTASACHT AGUS BREISIÚ AGUS TRÍNA GCUIRTEAR FREAGRACHT ÁITIÚIL CHUN CINN.

Athbhreithniú Institiúideach

Athbhreithniú institiúideach ar Choláiste Mhuire gan Smál

I 2016, rinne an QQI athbhreithniú institiúideach ar Choláiste Mhuire gan Smál thar ceann Ollscoil Luimnigh. Is soláthraí nasctha de chuid Ollscoil Luimnigh é Coláiste Mhuire gan Smál. Mar sholáthraí nasctha, tá Coláiste Mhuire gan Smál faoi réir athbhreithniú agus dearbhú cáilíochta seachtrach ó Ollscoil Luimnigh, agus má iarrtar é, an QQI.

Chuir an QQI, Ollscoil Luimnigh agus Coláiste Mhuire gan Smál téarmaí tagartha don athbhreithniú i dtoll a chéile agus cuireadh lámhleabhar ar fáil. Rinne an fhoireann neamhspleách athbhreithniúcháin an t-athbhreithniú de réir na dTéarmaí Tagartha. Roghnaigh an QQI foireann de sheisear athbhreithneoirí i 2016 agus cuireadh oiliúint orthu an 26 Meán Fómhair 2016. Thug an Cathaoirleach agus an tAthbhreithneoir Comhordúcháin cuairt phleanála ar Choláiste Mhuire gan Smál an 27 Meán Fómhair 2016. Thug an fhoireann athbhreithniúcháin príomhchuart athbhreithniúcháin ar an gColáiste idir 28 Samhain agus 2 Nollaig 2016.

Athbhreithnithe Fócasaithe

Déantar athbhreithnithe fócasaithe i gcás ina n-aithníonn an QQI, i gcúrsa a ghníomhaíochtaí monatóireachta, údar imní maidir le soláthraí nó a chuid clár. Rinne an QQI dhá athbhreithniú den sórt sin i 2016. Ag éirí as athbhreithniú a rinneadh ar bhailíochtú clár faoi alt 46 den Acht, a foilsíodh i Meitheamh 2016, aistarraingíodh bailíochtú ó gach ceann de chlár bhreisoideachais agus ardoideachais agus oiliúna soláthraí amháin. Rinneadh athbhreithniú ar chlár de chuid soláthraí eile ardoideachais sa dara leath den bhliain agus bhí sé fós ar siúl ag deireadh na bliana.

Seoladh comhairliúchán ar pháipéar bán ar ‘Nósanna Imeachta maidir le hAthbhreithnithe Fócasaithe a dhéanann an QQI ar Fheidhmiú Nósanna Imeachta Soláthraithe maidir le Dearbhú Cáilíochta agus a Éifeachtaí atá siad’ i Nollaig 2016 agus bhí sé sceidealta le dúnadh in Eanáir 2017.

Treoirínte maidir le Dearbhú Cáilíochta

Geallann an QQI feabhsú a dhéanamh ar chórais dearbhaithe cáilíochta agus i 2016 foilsíodh roinnt treoirínte maidir le dearbhú cáilíochta, atá ar fáil ar ár suíomh gréasáin:

- Buntreoirínte Reachtúla maidir le Dearbhú Cáilíochta
- Treoirínte Sain-earnála maidir le Dearbhú Cáilíochta do Chomhlachtaí Dámhachtana Ainmnithe
- Treoirínte Sain-earnála maidir le Dearbhú Cáilíochta do Sholáthraithe Príobháideacha agus Neamhspleácha
- Treoirínte Sain-earnála maidir le Dearbhú Cáilíochta le haghaidh Institiúidí Teicneolaíochta



Líonra Cáilíochta Ardoideachais na hÉireann (IHEQN)

Ghníomhaigh an QQI i gcónaí mar rúnaí do Líonra Cáilíochta Ardoideachais na hÉireann i 2016. Is fóram é an líonra seo chun ceisteanna maidir le dearbhú cáilíochta agus feabhsú cáilíochta a phlé i measc na bpríomh-gheallsealbhóirí náisiúnta atá bainteach le dearbhú cáilíochta an ardoideachais agus na hoiliúna in Éirinn. Is baill den líonra seo iad na heagraíochtaí seo a leanas: Institiúid Teicneolaíochta Bhaile Átha Cliath, an tÚdarás um Ardoideachas, an HECA, an IOTI, an IUA, an NUI, an QQI, an RCSI, an USI, agus an Roinn Oideachais agus Scileanna.

An Clár Náisiúnta um Rannpháirtíocht Mac Léinn

In Aibreán sheol an QQI an Clár Náisiúnta um Rannpháirtíocht Mac Léinn agus a threoirthionscadal. Tríd an treoirthionscadal féachfar le huirlisí agus acmhainní a fhorbairt a d'fhéadfaí a úsáid ar shlí níos fairsinge chun cleachtais rannpháirtíochta i measc mic léinn a fheabhsú.



Seoladh an Chláir Náisiúnta um Rannpháirtíocht Mac Léinn

Roghnaíodh rannpháirtithe don treoirthionscadal tar éis gairm tograí. Bhí an ghairm ar oscailt do na hinstitiúidí ardoideachais eile a bhfuil aontas mac léinn acu (cleamhnaithe le USI nó ar shlí eile) agus gaol acu leis an QQI agus/nó an Údarás um Ardoideachas. Ba iad na hinstitiúidí a roghnaíodh: Institiúid Teicneolaíochta Chorcaí, Institiúid Teicneolaíochta Leitir Ceanainn, Ollscoil Éireann, Gaillimh, Coláiste Náisiúnta na hÉireann agus Institiúid Teicneolaíochta Phort Láirge.

Aitheantas d'Eagraíochtaí Mhúineadh an Bhéarla

ACELS

Is scéim náisiúnta deonach é ACELS le haghaidh eagraíochtaí múinte an Bhéarla. Is seirbhís neamhrechtúil oidhreachta de chuid QQI é, agus gabhfaidh an Marc Idirnáisiúnta Oideachais a áit.

Bhí cúig chruinniú ag Coiste Aitheantais ACELS i 2016 chun iarratais a bhreithniú agus gníomhú dá réir. Mar thoradh ar athbhreithniú agus cinntí an Choiste, aistarraingíodh aitheantas ACELS 2016 ó thrí sholáthraí eile Mhúineadh an Bhéarla (ELE) i ngeall ar neamhchomhlíonadh; d'achomhairc ceann amháin díobh, bhí ceann amháin fós neamhchinnte ag deireadh 2016 an ndéanfaí achomharc nó nach ndéanfaí agus roghnaigh an tríú soláthraí gan achomharc a dhéanamh.

I 2016, rinneadh 28 cigireacht ar eagraíochtaí aitheanta mhúineadh an Bhéarla. Ba laghdú beag é sin ar líon na bliana roimhe sin i ngeall ar easpa cigirí.

Tugadh faoin bpróiseas bliantúil athnuachana le liostú nua 2016 de sholáthraithe aitheanta ELE agus uaslódáladh é ar shuíomh gréasáin ACELS é. Anuas air sin, athdhearadh suíomh gréasáin ACELS le hardán difriúil, níos urrúnta, rud a dhéanann faisnéis níos infhaighte do gheallsealbhóirí náisiúnta agus idirnáisiúnta.

Comhdháil Mhúineadh an Bhéarla

Tionóladh comhdháil thionscnaimh an QQI do Mhúineadh an Bhéarla an 14 Samhain 2016. D'fhreastail 235 toscaire nó mar sin ó gach cuid de na hearnálacha ELE ar fud na tíre, lena n-áirítear breisoideachas, ardoideachas, oiliúint agus múineadh an Bhéarla. Ba é téama na comhdhála féachaint ar ról Chomhchreat Tagartha na hEorpa um Theangacha agus an ról atá aige i dtaca le caighdeáin i múineadh an Bhéarla a choimeád agus a chosaint.



Toscairí ag comhdháil ELE

Chuaigh an QQI i gcomhar le ELT Éireann chun an chomhdháil a eagrú agus a chur ar fáil. Socraíodh taispeántas de chomhlachtaí scrúdaithe, foilsitheoirí agus gníomhaireachtaí creidiúnaithe eile mar thaca leis an gcomhdháil. Rinneadh taifeadtaí de na trí chruinniú iomlánaíocha, tógadh grianghraif den ócáid agus bhí fotha beo Twitter ar fáil i gcaitheamh an lae. Cuireadh na taifeadtaí de na cainteanna ar fáil ar rannóg ELE de shuíomh gréasáin an QQI. Osclaíodh fóram plé ar line tar éis na hócáide go ceann coicíse, rud a thug deis do na toscairí leanúint den chomhrá agus labhairt le saineolaithe ceaptha.

Seimineár ar Fhéinmheastóireacht agus Cleachtas Machnamhach

I gcomhar leis an ETBI (Boird Oideachais agus Oiliúna na hÉireann), d'óstáil an QQI seimineár breisiúcháin do na boird oideachais agus oiliúna an 6 Aibreán 2016 ag Teach Farmleigh i mBaile Átha Cliath.

Dearadh an seimineár go sonrach do na boird oideachais agus oiliúna (ETBanna) le go mbeadh sé ann nuair a bhí an QQI ag cur tús le hobair leis na ETBanna ar threoirínite maidir le dearbhú cáilíochta, beartas bailíochtaithe agus athbhreithniú ar leibhéal institiúide. Ba é aidhm an tseimineár na buntáistí a ghabhann le féinmheastóireacht agus cleachtas machnamhach a scrúdú ó thaobh straitéisí agus oibríochtaí de.

Labhair cainteoirí náisiúnta agus idirnáisiúnta ar chineálacha cur chuige agus samhlacha féinmheastóireachta agus samhlacha de chleachtas machnamhach agus cuireadh samplaí agus taithí ó Éirinn agus ó thíortha thar sáile i láthair. Foilsíodh na cur i láthair a rinneadh ag an seimineár ar shuíomh gréasáin an QQI.

Bailíochtú Clár

Rinne an QQI athbhreithniú ar a bheartas agus a nósanna imeachta bailíochtaithe agus athbhailíochtaithe inar moladh córas comhsheasmhach bailíochtaithe a cheapadh ar fud na n-earnálacha ardoideachais agus breisoideachais agus oiliúna. Leanamar d'athruithe a chur chun cinn bunaithe ar na moltaí a rinneadh, lena n-áirítear a chinntiú go mbíonn socruithe d'fhoghlaimoírí rollaithe i bhfeidhm sula gcuirtear tús le tréimhse bailíochtaithe.

Taispeántar thíos leibhéal na gníomhaíochta i ndáil le bailíochtú i 2016:

Earnáil	Soláthraithe	Cláir
Breisoideachas agus Oiliúint (Leibhéal CNC 1 -6)	77	179
Ardoideachas agus Oiliúint (Leibhéal CNC 6 -10)	12	81
Iomlán	89	260

Thóg sé 13.9 seachtain ar an meán cláir ardoideachais agus oiliúna a cuireadh isteach i 2016 lena mbailíochtú a phróiseáil. Ba é 10.5 seachtaine an meán-aga próiseála i gcás cúrsaí breisoideachais agus oiliúna.

Líonra na hEorpa de Ghníomhaireachtaí um Dhearbhú Cáilíochta (ENQA)

Athdheimhníodh an QQI mar bhall iomlán de ENQA i 2014. An uair sin, chinn Bord ENQA gur chomhlíon an QQI, a bheag nó a mhór, na caighdeáin agus treoirínite a bhí leagtha amach ag ENQA. Rinne sé roinnt moltaí le cur i ngníomh agus d'iarr tuarascáil leantach ar na moltaí i 2016. Cuireadh an tuarascáil leantach ar aghaidh chuig ENQA i nDeireadh Fómhair 2016 agus chuimsigh sé nuashonruithe ar na nithe seo a leanas:

- Forbairt leanúnach ar bheartais agus nósanna imeachta an QQI agus deireadh a chur le nósanna imeachta oidhreachta
- Suíomh gréasáin an QQI agus a fheidhm chuardaigh trínar féidir leat beartais, athbhreithnithe, cláir agus dámhachtainí a chuardach
- Nuashonrú ar an Meabhrán Tuisceana leis an Údarás um Ardoideachas
- Anailís ar fud an chórais a fhorbairt as ar lean foilsiú *Quality in an Era of Diminishing Resources* in Aibreán 2016
- Nuashonrú ar tharmligean cumhachtaí dámhachtana; foilsíodh dréachtbheartas agus critéir le haghaidh tarmligean údaráis i Meán Fómhair 2016 le haghaidh comhairliúcháin
- Cur chuige i leith dearbhú inmheánach cáilíochta, as a bhfoilseofar beartas inmheánach Dearbhaithe Cáilíochta i Nollaig 2016.


Ghlac ENQA leis an tuarascáil leantach.

Tuarascáil Bhliantúil ar Cháilíocht na hInstitiúide

Gach bliain cuireann institiúidí aonair ardoideachais tuarascáil bhliantúil ar fáil don QQI ar a ndearbhú inmheánach cáilíochta. An Tuarascáil Bhliantúil ar Cháilíocht na hInstitiúide (AIQR) a thugtar air seo. Clúdaíonn sé tréimhse tuairiscithe na bliana acadúla roimhe sin. Chlúdaigh AIQR 2016 an tréimhse tuairiscithe 2014/15. Cuirtear an AIQR isteach chuig an QQI trí thairseach ar líne i ráithe a haon den bhliain.

Go luath i 2016, thug an QQI an teimpléad don tuarascáil AIQR chun críche, i gcomhar leis na hInstitiúidí, agus rinneadh triail phíolótach ar an tairseach ar líne le haghaidh tuairiscí. Dá réir sin, cuireadh an spriocdháta le tuairiscí AIQR a chur isteach siar go Lúnasa. Foilsíodh tuarascáil achomair de AIQRanna na gComhlachtaí Dámhachtana Ainmnithe ar a tugadh 'Quality within the Universities, RCSI and DIT, 2016' i Nollaig 2016. Níorbh fhéidir tuarascáil achomair maidir leis na hInstitiúidí teicneolaíochta a fhoilsiú toisc nár chuir gach institiúid isteach AIQR i 2016. Go luath i 2017, táthar ag súil go gcuirfidh na hocht institiúid ardoideachais atá fanta AIQR isteach.

Rinneadh gairm ar thuairisc AIQR 2017 i Nollaig 2016. Clúdóidh an AIQR sin tréimhse tuairiscithe na bliana acadúla 2015/16 agus is é Feabhra 2017 an spriocdháta chun an tuarascáil a chur isteach.



Cruinnithe Bliantúla Idirphlé

Is cuid dhílis den chreat seachtrach dearbhaithe cáilíochta d'Institiúidí poiblí ardoideachais iad Cruinnithe Bliantúla Idirphlé idir an QQI agus gach Comhlacht Dámhachtana Ainmnithe agus Institiúid Teicneolaíochta.

Is deis iad na cruinnithe seo chun machnamh a dhéanamh ar raon saincheistanna a bhaineann le forbairt bhonneagar an dearbhaithe cáilíochta, a chabhraíonn chun an gaol idir an QQI (mar chomhlacht seachtrach dearbhaithe cáilíochta agus cáilíochtaí) agus Institiúidí aonair (atá freagrach go príomha as a ndearbhú cáilíochta féin) a shoiléiriú agus a shainiú de réir mar a théann sé ar aghaidh.

Is é an Tuarascáil Bhliantúil um Cháilíocht Institiúidí a bhíonn mar bhonn leis an bplé ag na cruinnithe seo, de bhrí go dtugann sé deis do gach institiúid nithe a bhaineann lena gcomhthéacs oibriúcháin féin a phlé go díreach leis an QQI. Tar éis tuairiscí AIQR 2014-15 a bheith curtha isteach i Lúnasa 2016, sceidealadh cruinnithe bliantúla idirphlé le 19 institiúid idir laethanta deiridh Dheireadh Fómhair agus Nollaig 2016. Eagraíodh trí chruinniú bhliantúla idirphlé eile in Eanáir 2017. I ngach cruinniú bhí an deis ann chun na scéalta ábhartha is déanaí a mhalartú idir an institiúid i dtrácht agus an QQI mar aon le díriú ar ghníomhaíochtaí a tionscnaíodh chun dearbhú cáilíochta a fheabhsú nó a leabú tuilleadh laistigh den tréimhse tuairiscithe.

CUSPÓIR 4: FAISNÉIS SHOILÉIR, ÚDARÁSACH AGUS CHUIMSITHEACH A CHUR AR FÁIL DO GHEALLSEALBHÓIRÍ AGUS DON PHOBAL MAIDIR LE RÓL, FREAGRACHTAÍ AGUS GNÍOMHAÍOCHTAÍ AN QQI.

Creatchomhaontú Bainistíochta

Geallann an QQI caidreamh atá tacúil don dá thaobh a thógáil le geallsealbhóirí agus caidreamh láidir oibre a fhorbairt leis na príomhearnálacha. As sin forbraíodh creatchomhaontú bliantúil bainistíochta leis an Roinn Oideachais agus Scileanna. Léiríonn an Creatchomhaontú Bainistíochta seo na gníomhaíochtaí inár bplean corparáideach bliantúil mar aon le roinnt príomhréimsí

forbartha a aontaíodh leis an Roinn. Aontaíodh an Creatchomhaontú Bainistíocht leis an Roinn in Aibreán 2016. Foilsíodh é chuig ár suíomh gréasáin agus bíonn cruinnithe ráithiúla ag an QQI agus an Roinn chun an scéala is déanaí a thabhairt dá chéile ar an dul chun cinn a rinneadh ar na gníomhaíochtaí pleanáilte.

Meabhrán Tuisceana

An tÚdarás um Ardoideachas

Shínigh an QQI Meabhrán Tuisceana leis an Údarás um Ardoideachas i 2015. Foráiltear ann le haghaidh creat aontaithe comhair agus cumarsáide agus roinnt marlartuithe bliantúla déthaobhacha. Ina measc sin tá cur i láthair bliantúil ó phríomhfheidhmeannach gach eagraíochta do Bhord na heagraíochta eile. Rinne Príomhfheidhmeannach an QQI cur i láthair do Bhord an Údaráis um Ardoideachas ag a chruinniú den 22 Samhain 2016 agus rinne Príomhfheidhmeannach Eatramhach an Údaráis cur i láthair do Bhord an QQI ag a chruinniú den 25 Samhain 2016. Mar a fhoráiltear sa Mheabhrán, chas foireann ardbhainistíochta an dá eagraíocht ar a chéile in oifigí an QQI an 12 Bealtaine 2016.

Bhunaigh an QQI agus an tÚdarás Fóram Ardoideachais QQI-HEA mar chuid den Mheabhrán. Is deis é an fóram d'fheidhmeannaigh an QQI agus an Údaráis chun cainteanna a bheith acu le cumainn ionadaíochta na n-ollscoileanna agus na n-institiúidí teicneolaíochta (IUA agus THEA faoi seach) agus le heagraíocht ionadaíoch náisiúnta na mac léinn, an USI. Bhí dhá chruinniú ag an bhfóram i 2016.



Padraig Walsh PF an QQI agus Paul O'Toole PF SOLAS

An tÚdarás Breisoideachais agus Oiliúna (SOLAS)

Shínigh an QQI agus an tÚdarás Breisoideachais agus Oiliúna (SOLAS) Meabhrán Tuisceana i 2016. Geallann an QQI agus SOLAS araon cáilíocht, feidhmíocht agus comhtháiteacht an bhreisoideachais agus oiliúna a bhreisiú agus is comhartha é an Meabhrán go ngeallann an dá eagraíocht oibriú as lámh a chéile chun comhordú agus comhlántacht a gcuid gníomhaíochtaí a chinntiú.

Sa Mheabhrán, a chuirfear chun feidhme sa tréimhse 2016-2019, leagtar amach creat do chomhar agus do chumarsáid idir SOLAS agus an QQI chomh maith le dlúth-chomhpháirtíochtaí oibre leis an earnáil bhreiseoideachais agus oiliúna. Leagtar amach ann raon gníomhaíochtaí a thacóidh leis na trí phríomhghéalltanais a dhéantar sa doiciméad: cur chuige comhtháite, gníomhaíochtaí ailínithe agus comhpháirtíochtaí ar mhaithe le breisiú.

Foráiltear sa chomhaontú le haghaidh roinnt malartuithe bliantúla déthaobhacha. Ina measc sin tá cur i láthair bliantúil ó phríomhfheidhmeannach gach eagraíochta do Bhord na heagraíochta eile. Rinne Príomhfheidhmeannach an QQI cur i láthair do Bhord SOLAS ag a chruinniú den 6 Nollaig 2016 agus rinne Príomhfheidhmeannach SOLAS cur i láthair do Bhord an QQI ag a chéad chruinniú de 2017.

Lena chois sin, bhí cúig chruinniú ag foirne ardbhainistíochta an dá eagraíocht i 2016, go príomha chun dul chun cinn a dhéanamh leis an Meabhrán sular síníodh é an 6 Nollaig 2016.

Quality Assurance Agency for Higher Education (QAA), United Kingdom


I 2013, shínigh an QQI Meabhrán Tuisceana agus Comhaontú Comhroinnte Eolais leis an Quality Assurance Agency for Higher Education (UK). Foráiltear sa Mheabhrán do mhalartuithe déthaobhacha gach bliain. Tugadh cuireadh do Phríomhfheidhmeannach an QQI cur i láthair a dhéanamh ag comhdháil bhliantúil an QAA i Leeds i mBealtaine 2015 agus rinne Príomhfheidhmeannach an QAA cur i láthair ag Ócáid Breisithe Cáilíochta an QQI i gCaisleán Bhaile Átha Cliath an 15 Nollaig 2016.

Mar chuid den Mheabhrán sin, eagraítear cruinnithe dhá uair sa bhliain, i mBaile Átha Cliath, sa RA nó i bhfoirm fhíschomhdhála. Eagraíodh físchomhdháil an 11 Bealtaine 2016 agus thug an QAA cuairt ar Bhaile Átha Cliath do chruinniú an 16 Nollaig 2016. Ag an gcruinniú, thaispeáin an QAA gur dócha go roghnófar Éire mar cheann de na tíortha ina ndéanfar athbhreithniú ar sholáthar trasnáisiúnta oideachais an RA i 2017. D'aontaigh an QQI cuidiú le haon athbhreithniú den sórt sin.

An QQI agus Hong Kong

Shínigh an QQI agus an Education Bureau of the Hong Kong Special Administrative Region Government (HKSARG) Meabhrán Tuisceana maidir le comhoibriú i gcreataí cáilíochtaí i Meán Fómhair 2016.

Tá HKSARG freagrach as dearbhú cáilíochta in oideachas agus oiliúint i Hong Cong. Faoi théarmaí an Mheabhráin, comhoibrímid chun creataí cáilíochtaí a fhorbairt agus tuiscint orthu a mhéadú. Tógfaidh an Meabhrán ar thorthaí comhthionscadail a rinne Coimisiún an AE agus an Biúró Oideachais, a rinne cóimheas idir Creat Cáilíochtaí Hong Cong agus an Creat Eorpach um Cháilíochtaí.



Grianghraf (ó chlé): Isobel O'Connor (Leas-ArdChonsal na hÉireann i Hong Cong), Bryan Maguire (Stiúrthóir an Dearbhaithe Cáilíochta – QQI), Brian Lo (Leas-Rúnaí Oideachais), Marion Lai (Buanrúnaí Oideachais)

Anailís ar cháilíocht sa mhúinteoireacht agus san fhoghlaim

Tar éis obair mheasúnaithe a rinneadh i 2015, d'fhoilsigh an QQI tuarascáil dar teideal *Quality in an era of diminishing resources*. Féachadh sa tuarascáil le hanailís a dhéanamh ar thuairimí i dtuarascálacha athbhreithnithe inmheánacha ar cháilíocht, a d'fhoilsigh institiúidí poiblí ardoideachais Éireannacha sa tréimhse 2008-15 go raibh laghdú ar cháilíocht na múinteoireachta agus na foghlama. Ba é seo an tréimhse inar laghdaíodh an méid cistithe a bhí ar fáil do na hinstitiúidí.

Fóram Comhairliúcháin

Is cleachtadh comhoibritheach le geallsealbhóirí é Fóram Comhairliúcháin an QQI, trína bhféachtar le comhtháiteacht níos fearr a bhaint amach sa chóras oideachais agus oiliúna. Éascaítear leis an bhFóram idirphlé agus comhairliúchán bríoch idir an QQI agus geallsealbhóirí.

Cuireann an Fóram Comhairliúcháin ardán tábhachtach aonair ar fáil do gheallsealbhóirí ionadaíocha chun teacht le chéile ar cheisteanna leasa choitinn. Gheofar na téarmaí tagartha, eagraíochtaí geallsealbhóirí a ainmníonn daoine ar an bhFóram agus doiciméid na gcrúinnithe ar ár láithreán gréasáin¹.

Bhí dhá chruinniú ag an bhFóram Comhairleach ar na dátaí seo a leanas i 2016:

- Dé Máirt 31 Bealtaine 2016 (Téama: Creataí Cáilíochtaí i dtreo 2030)
- 24 Samhain 2016 (Téama: Impleachtaí Brexit do sholáthraithe oideachais agus oiliúna in Éirinn)

Cumarsáid

I 2015 sheol an QQI feachtas branda dámhachtana atá sceidealta le rith go dtí R1 2017. Is é príomhfhocás an fheachtais feasacht ar bhranda dámhachtana an QQI a mhéadú, agus eolas i dtaobh luach agus ról an bhranda dámhachtana ar fud an CNC a chur ar fáil. Cuireadh an feachtas i láthair an phobail trí fhógraí raidió, agus fógraí digiteacha agus nuachtáin. Rinne an QQI athbhreithniú ar an bhfeachtas i R4 2016, ina bhfuarthas:

- Mhéadaigh tabhairt chun cuimhne gan leid an QQI go suntasach de bhrí gur ainmnigh 7% den daonra iomlán an QQI dá ndeoin féin mar an comhlacht atá freagrach as cáilíocht agus cáilíochtaí i gcóras oideachais na hÉireann.
- Is iad déimeagrafach AB, muintir Bhaile Átha Cliath agus iad siúd a d'fhág an córas oideachais le deireanas (a chríochnaigh cúrsa le dhá bhliain anuas) atá laistiar den fheasacht seo
- Maíonn duine amháin as gach ceathrar den daonra go bhfuil siad feasach ar an QQI, nuair a iarrtar orthu, arb ionann sin agus méadú de thrí phointe ó 2015 i leith.

Déanfar athbhreithniú iomlán ag deireadh an fheachtais i 2017.

1. <http://www.qqi.ie/Pages/Consultative-Forum-.aspx>

CUSPÓIR 5: FOIREANN AN QQI A CHUMASÚ AGUS A MHSNIÚ GO RÉAMHGHNÍOMHACH CHUN IAD FÉIN A FHORBAIRT, CHUN BLÁTHÚ AGUS CHUN DÍRÍÚ GO HIOMLÁN AR A GCUID OIBRE.

Straitéis Acmhainní Daonna

Foilsíodh Straitéis Acmhainní Daonna an QQI 2016-2018 in Eanáir 2016. Bhí an deis ag an bhfoireann uile cuidiú leis an straitéis seo tríd ár bpróiseas comhairliúcháin. Cúig théama atá ag an Straitéis Acmhainní Daonna:

1. Rannpháirtíocht Fostaithe
2. Oilúint agus Forbairt
3. Bainistíocht agus Forbairt Feidhmíochta
4. Earcaíocht agus Roghnú, agus
5. Pleanáil Foirne.

Aithníodh sa Straitéis Acmhainní Daonna clár oibre don tréimhse 2016 go 2018 agus tugadh gach ceann de ghníomhaíochtaí 2016 chun críche.



Pleanáil

Déantar gníomhaíochtaí agus nithe ineachadta a rianú agus déantar monatóireacht orthu sa QQI ó cheann ceann na bliana trí PROMISE, ár mbunachar sonraí pleanála. Cuirtear tuarascáil ráithiúil phleanála agus nuashonrú stádas ar fáil don Bhard ar gach ceann dá chruinnithe. Ag deireadh 2016, d'athbhreithnigh an Bord an plean corparáideach agus stádas a chuid gníomhaíochtaí mar atá leagtha amach in PROMISE Ina theannta sin, bhreithnigh agus d'fhorbair an Bord an plean corparáideach beartaithe do 2017.

Fóram Rannpháirtíochta Foirne

In R2 2015 bunaíodh fóram rannpháirtíochta nua foirne. Tugadh cuireadh don fhoireann dul isteach san fhóram agus tá deichniúr ball ann anois. Is é aidhm an fhórait dul i mbun oibre leis an roinn acmhainní daonna ar mhaithe leis an gcuspóir straitéiseach de chaidreamh éifeachtach breisithe foirne a bhaint amach. Cuireann sé ar chumas na foirne smaointe agus tuairimí a mhalartú, agus spreagann sé cumarsáid agus trédhearcacht.

An Córas Bainistíochta agus Forbartha Feidhmíochta

Cuireadh moill ar thimthriall an chórais bainistíochta agus forbartha feidhmíochta i 2016 ach cuireadh tús leis in Aibreán anonn go dtí mí na Nollag. Cuireadh oilúint sa réimse seo ar fáil don fhoireann agus tugadh pleananna feidhmíochta aonair do bhainisteoirí agus don fhoireann chun críche faoi Mheitheamh 2016.

CUSPÓIR 6: CÓRAIS, PRÓISIS AGUS CUMAIS TEICNEOLAÍOCHTA FÉINSEIRBHÍSE AN QQI A BHREISIÚ CHUN CUR LE CÁILÍOCHT AGUS LENA ÉIFEACHTAÍ ATÁ AN TSEIRBHÍS A CHUIREANN SÉ AR FÁIL.

Athbhreithniú Slándála TFC

Rinneadh athbhreithniú ar TFC agus Slándáil Sonraí an QQI i gcaitheamh thréimhse sé seachtaine i samhradh 2016. Rinneadh idir shlándáil inmheánach agus slándáil sheachtrach a scrúdú. Ba iad na hábhair nirt a aithníodh: foireann ardoilte, dearadh an líonra, an beartas paisteála, leithscaradh ról agus Rialú ar Fháil ar an Idirlíon.

Rinneadh roinnt moltaí chun na réimsí seo a leanas a fheabhsú:

- pasfhocal láidre
- cailliúint sonraí a chosc
- córais ionsá líonra
- measúnachtaí ar leochaileacht

D'fhorbair an t-aonad TFC plean gníomhaíochta chun díriú ar na moltaí agus tuairiscítear dul chun cinn leis an gClár bhord agus leis an gCoiste Iniúchóireachta agus Riosca. Tá athbhreithniú eile chun cur i ngníomh a mheasúnú beartaithe do 2017.

Staitisticí agus grafaic faisnéise


Ó bunaíodh an QQI i 2012 foilsíodh staitisticí ar dhámhachtainí a rinne an QQI le foghlaimeoirí. I bhfoirm uimhreacha ar bhileoga oibre a foilsíodh na sonraí seo i dtosach. Ach i 2015, d'eisigh an QQI an chéad leagan dá sheirbhís grafaice faisnéise. Soláthraíonn an tseirbhís seo comhéadan tarraingteach grafach agus cuireann sé ar chumas úsáideoirí, idir úsáideoirí inmheánacha agus úsáideoirí seachtracha, idirghníomhú leis na sonraí agus a gcuid ceisteanna féin a chur. Chuir an QQI amharcléirithe breise leis an tseirbhís grafaice faisnéise i 2016. Ina measc siúd bhí an deis féachaint ar shonraí de réir soláthraí agus de réir dámhachtain ainmnithe.

Buiséid Airgeadais Cineachta

Cuireadh tabhairt isteach buiséid chineachta siar go 2017. Mar sin féin, bhí Bainisteoirí Aonaid rannpháirteach in ullmhú bhuiséad oibriúcháin an QQI trí phríomhghníomhaíochtaí agus costas na ngníomhaíochtaí a aithint. Rinneadh gníomhaíochtaí a chatagóiriú bunaithe ar cibé ar cuireadh san áireamh iad sa Phlean Corparáideach nó sa Chreatchomhaontú Bainistíochta (nithe inseachadta a aontaíodh leis an Roinn Oideachais agus Scileanna). Cuireadh bunachar sonraí i dtoll a chéile chun cuidiú leis an bpróiseas seo agus úsáidfear é i 2017 chun an chéad leagan eile den bhuiséadú cineachta a chur ar aghaidh.

Ceisteanna a fuarthas trí QHelp

Chun ceisteanna a fhreagairt, úsáideann an QQI córas ar líne ar a dtugtar Qhelp, atá ar fáil ar ár suíomh gréasáin. Cláraíonn daoine a gcuid sonraí agus cuireann siad an cheist isteach; cuirtear an cheist ar aghaidh ansin chuig ár gcóras lárthithe caidrimh le custaiméirí. Fuaireamar 11,863 cheist tríd an gcóras seo i 2016.




Staitisticí Ardleibhéal an QHelp 2016

- Cuairteoirí Idirnáisiúnta
- Fostóirí
- Foghlaimeoirí
- Soláthraithe


Dámhachtainí an QQI

I 2016, bronnadh os cionn 181,824 teastas ón QQI ar 174,815 foghlaimeoir maidir le dámhachtainí ar an gCreat Náisiúnta Cáilíochtaí. Baineadh amach na dámhachtainí ar gach ceann de dheich leibhéal an CNC; ba é leibhéal a cúig an leibhéal ba threise i gcónaí ó thaobh líon (gheofar miondealú in aguisín 1 de na miondámhachtainí, mórdámhachtainí agus dámhachtainí forlíontacha a bronnadh).



Dámhachtainí in aghaidh an leibhéil CNC 2016

Foramharc ar Mhórdámhachtainí, Miondámhachtainí, Dámhachtainí Sainchuspóra agus Dámhachtainí Forlíontacha (gheofar na dámhachtainí dí-chomhbhailithe de réir cineál dámhachtana agus leibhéal den CNC in aguisín 2)



Rialachas

Bord an QQI

Bord de dheichniúr, agus an Príomhfheidhmeannach san áireamh, a rialaíonn an QQI. Ar fheidhmeanna an Bhoird tá formheas na gcuntas airgeadais, ráitis straitéise agus tuarascálacha bliantúla. Tá feidhmeanna eile aige, leis, i ndáil le bailíochtú clár, tarmligean údaráis, comhdhámhachtainí agus rochtain, aistriú agus forchéimniú. Chun obair an Bhoird a dhéanamh níos éifeachtúla, bunaíodh roinnt struchtúir choiste fo-bhoird chun cuidiú le rialachas acadúil (gheofar tuilleadh faisnéise sa roinn ar rialachas fo-bhoird).

Is é an tAire Oideachais agus Scileanna a cheapann baill Bhord an QQI. Is é an Bord a cheapann an Príomhfheidhmeannach le toiliú an Aire.

Is iad baill an Bhoird:

- Mr Gordon Clark (Cathaoirleach)
- An Dr Padraig Walsh, (Príomhfheidhmeannach)
- Dr Barbara Brittingham (Saineolaí idirnáisiúnta)
- Ms Una Buckley (Ionadaí foghlaimeoirí)
- Ms Mary Danagher
- An Dr Ann Louise Gilligan
- Ms Joanne Harmon
- Mr Jack Leahy (ainmní an USI)
- Mr. Thomas McDermott
- Mr James Moore

Bhí cruinnithe ag an mBord i 2016 ar na dátaí seo a leanas:

- 12 Feabhra
- 15 Aibreán
- 10 Meitheamh
- 30 Meán Fómhair
- 25 Samhain

Taifead Tinrimh Chomhaltaí an Bhoird ar Chruinnithe Boird an QQI i 2016

	12 Fea	15 Aib	10 Mei	30 Samh	25 Nov	Uas	Tinreamh
Gordon Clark	✓	-	✓		✓	5	3
Padraig Walsh	✓	✓	✓	✓	✓	5	5
Barbara Brittingham	✓	✓	✓		✓	5	4
Una Buckley	✓	✓	✓		✓	5	4
Mary Danagher		✓	✓	✓**	✓	5	4
Ann Louise Gilligan	✓	✓	✓	✓	✓	5	5
Joanne Harmon	✓	✓		✓	✓	5	4
Jack Leahy*	✓	✓			✓	5	3
Thomas McDermott	✓	✓	✓	✓**	✓	5	5
James Moore	✓	✓		✓	✓	5	4

* Ionadaí an USI, ritheann an téarma oifige ón 1 Iúil go 30 Meitheamh gach bliain.
 ** d'fhreastail trí chomhdháil fóin

Íocaíochtaí le baill den Bhord

Gníomhaíonn comhaltaí Bhord an QQI i gcáil dheonach go huile agus go hiomlán agus níor íocadh aon táille le comhaltaí an Bhoird i 2016. Tabhaíodh costais sna catagóirí seo a leanas: cóiríocht, taisteal intíre, eitiltí agus cothabháil. Íoctar costais taistil agus cothabhála chomhaltaí an Bhoird de réir na rátaí atá leagtha síos ag an Roinn Airgeadais. Ba é €17,568 costais iomlána an Bhoird i 2016.

Measúnú ar Fheidhmíocht an Bhoird

Rinne an Bord féinmheastóireacht ar a fheidhmíocht i 2015 sa chéad ráithe de 2016. Suirbhé ar Bhaill an Bhoird agus ceardlann den Bhord a bhí i gceist sa mheastóireacht seo ar fheidhmíocht. Tá meastóireacht sheachtrach ar fheidhmíocht an Bhoird sceidealta do 2017.

Tuarastal agus costais an Phríomhfheidhmeannaigh

Fuair an Príomhfheidhmeannach €136,276 d'íocaíochtaí tuarastail i 2016. Ní bhfuair an Príomhfheidhmeannach aon phá maidir le feidhmíocht sa tréimhse. Ní ghabhann teidlíochtaí pinsin an Phríomhfheidhmeannaigh thar an teidlíocht chaighdeánach i scéim aoisliúntais sochair shainithe eiseamláireacha na hearnála poiblí. Fuair an Príomhfheidhmeannach €1,032 d'íocaíochtaí deimhnithe i 2016.

Struchtúir Rialtais Fo-Bhoird an QQI

Iníúchadh agus Soláthar

Is é cuspóir an Choiste Iníúcháireachta struchtúr neamhspleách measúnaithe a chur ar fáil lena éifeachtúla atá na nósanna imeachta rialaithe inmheánaigh a thomhas agus a mheas, lena n-áirítear feidhm iníúchta inmheánaigh an QQI.

Na baill: Thomas McDermott (Cathaoirleach), James Moore, Colin Maynard (go 11 Samhain 2016)

An Coiste Feidhmiúcháin um Chláir agus Dámhachtainí

Is é feidhm an Choiste Feidhmiúcháin um Chláir agus Dámhachtainí cinní a dhéanamh maidir le bailíochtú clár as a leanann dámhachtainí an QQI. Is é a bhuntacaíonn le cinní agus moltaí an Choiste saineolas agus moltaí seachtracha, a chuirtear ar fáil de ghnáth i bhfoirm thuarascálacha ó phainéil saineolaithe agus torthaí ar ghníomhachtaí monatóireachta agus athbhreithnithe a dhéanann an QQI. Bhí seacht gcruinniú ag an PAEC i 2016.

Na baill: Pdraig Walsh (Cathaoirleach), Barbara Kelly, Angela Lambkin, Bryan Maguire, Karena Maguire, John O'Connor, Deirdre Stritch, Andrina Wafer

An Coiste Beartas agus Caighdeán (PSC)

Is é misean an Choiste Beartas agus Caighdeán a shaineolas a úsáid chun dréachtbheartas an QQI a bhreithniú agus moltaí a dhéanamh don Bhord maidir le ceadú na mbeartas seo ar aon dul le straitéis na heagraíochta. Lena chois sin, breithneoidh sé moltaí ón bhfeidhmeannacht chun caighdeán eolais, scile agus inniúlachta a chinneadh le haghaidh dámhachtainí oideachais agus oiliúna nó chun treoirínite ábhar maidir leis na leibhéil eolais, scile agus inniúlachta a mbeidh súil leo do dhámhachtainí ardoideachais, a fhorhnuiniú. Bhí ceithre chruinniú ag an PSC i 2016.

Na baill: James Moore (Cathaoirleach), Lucien Bollaert, Ann Louise Gilligan, Joanne Harmon, Ewart Keep, Barbara Kelly, Catherine MacEnri, Bryan Maguire, Aidan Mulkeen, Ann-Marie Ryan

An Coiste um Maoirseacht Clár agus Dámhachtainí (PAOC)

Is é misean an Choiste um Maoirseacht Clár agus Dámhachtainí athbhreithniú agus anailís a dhéanamh ar ghníomhaíochtaí an Choiste Feidhmiúcháin um Chláir agus Dámhachtainí, agus comhairle agus moltaí a chur ar fáil dá réir don Choiste Feidhmiúcháin um Chláir agus Dámhachtainí maidir le comhlíonadh a mhisin. Deimhneoidh nó diúltóidh sé cinní de chuid an Choiste Feidhmiúcháin Clár agus Dámhachtainí, mar is gá. Bhí ceithre chruinniú ag an PAOC i 2016.

Na baill: Barbara Brittingham (Cathaoirleach), Liz Carroll, Maureen Conway, Peter Cullen, Mary Danagher, Sarah Ingle, Anne Mangan, John D. Mulcahy, Diarmuid O'Callaghan (go 10 Aibreán 2016)

An Coiste Ceaduithe agus Athbhreithnithe (ARC)

Is é misean an Choiste um Cheaduithe agus Athbhreithnithe feidhmeanna an Bhoird a chomhlíonadh, feidhmeanna lena gcinntítear go bhfuil na critéir ghaolmhara á gcomhlíonadh ag soláthraithe dá ndéonaítear rochtain ar dhearbú cáilíochta seachtrach, an Marc Idirnáisiúnta Oideachais agus údarás tarmligthe, agus go leanann siad de na critéir sin a chomhlíonadh. Bhí ceithre chruinniú ag an ARC i 2016.

Na baill: Kevin Ryan (Cathaoirleach), Maurice Buckley, Una Buckley, Colette Harrison, Marie Kehoe-O'Sullivan, Jack Leahy, Martin Lyes, Trish O'Brien (go 2 Meán Fómhair 2016)

Gnóthaí Corparáideacha



An Coiste Iniúcháireachta agus Riosca

Tacaíonn ceathrar ball den fheidhmeannacht leis an gCoiste Iniúcháireachta agus Riosca.

Bhí ceithre chruinniú ag an gCoiste Iniúcháireachta i 2016 ar na dátaí seo a leanas:

- 01 Aibreán
- 09 Meitheamh
- 15 Meán Fómhair
- 11 Samhain

Feidhm an Iniúchta Inmheánaigh

D'athbhreithnigh an Coiste Iniúcháireachta agus riosca a Chairt Iniúchta Inmheánaigh agus ghlac an Bord leis an gCairt Iniúchta Inmheánaigh leasaithe i Samhain 2016.

Ní dharna na leasuithe aon difear suntasach do nádúr agus substaint na Cairte Iniúchta Inmheánaigh bunaidh.

Tugadh na hiniúchtaí seo a leanas chun críche i 2016:

- Cosaint d'Fhoghlaimoirí Cláraithe
- Iniúchadh ar Sholáthar
- Iniúchadh ar Cháilíochtaí agus NARIC
- Tástáil Rialuithe Uimhreacha 4 & 5 den Chlár Riosca roimhe seo

- Dámhachtainí & Teastasú
- Bailíochtú Clár
- An Timthriall Tuairiscithe Airgeadais
- An Timthriall de Cheadú Soláthraithe

Feidhm an Iniúchta Sheachtraigh

D'eisigh an Coiste Iniúcháireachta agus Riosca cuireadh d'Oifig an Ard-Reachtair Cuntas agus Ciste chun casadh ar an gCoiste ag a chruinniú i Lúnasa 2016. Ghlac Oifig an Ard-Reachtair Cuntas agus Ciste leis an gcuireadh agus dúirt go mbeidís sásta bheith i láthair ag an gcéad chruinniú sceidealta eile i bhFeabhra 2017.

Bainistíocht Riosca

D'fhormheas an Coiste Iniúcháireachta agus Riosca an Plean um Thionscadal Clárleabhair Riosca agus d'fhormheas an Bord é i Meitheamh 2016. De bhrí gur éirí an Ceann Pleanála Straitéisí & Cumarsáide as agus go ndeachaigh an Stiúrthóir Seirbhísí Corparáideacha, Pleanáil Straitéiseach & Cumarsáide ar scor i 2016, sannadh a rioscaí faoi seach d'úinéirí nua riosca.

Na príomhrioscaí a d'aithin an QQI

D'aithin an tAonad Iniúcháireachta agus Riosca na príomhrioscaí atá le seachaint ag an QQI. Rinne an Bord measúnú ar na príomhrioscaí seo agus cuireadh rialuithe i bhfeidhm chun tionchar gach riosca agus an dóchúlacht go dtitfeadh sé amach a mhaolú. Seo iad cúig phríomhriosca an QQI:

1. Tá riosca ann nach mbeidh dóthain airgid ar fáil chun spriocanna agus aschuir na heagraíochta a chomhlíonadh, de bharr easpa cumais chun próisis lánbhríocha bainistíochta airgeadais agus rialaithe buiséad a bhainistiú a bhféadfadh deacrachtaí maidir le spriocanna agus aschuir a rianú a bheith mar thoradh orthu

Arna mhaolú trí: Próisis iQA agus próisis leanúnacha gnó.

2. Tá riosca ann go dtiocfaidh soláthraithe atá faoi réir athbhreithniú 'ar chúis' chun bheith míshásta ceal beartas, critéir agus nósanna imeachta soiléire agus treoirlínte gaolmhara próisis, as a d'fhéadfaí imeachtaí dlí a thionscnamh in aghaidh an QQI.

Arna mhaolú trí: treoir shoiléir a sholáthar do sholáthraithe; oiliúint agus treoir d'fhoirne athbhreithniúcháin; feasacht ar choinníollacha faoi theorainn ama.

3. Tá riosca ann go dtionscnóidh soláthraithe mhúineadh an Bhéarla a chailleann ceadú ACELS imeachtaí dlí de bharr easpa údarais dlí, a bhféadfadh caingean dlí rathúil a bheith mar thoradh air.

Arna mhaolú trí: Coiste aitheanta ACELS a athbhunú; rialacháin leasaithe ACELS le haghaidh 2017 le comhairle dlí; cumarsáid leis an Roinn Oideachais agus Scileanna agus leis an Roinn Dlí agus Cirt.

4. Tá riosca ann go bhféadfaí dearbhú cáilíochta a chur i mbaol de bharr soláthar ar chaighdeán íseal, soláthar nach dtabharfaí faoi deara.

Arna mhaolú trí: feidhm fhoirmiúil monatóireachta a fhorbairt trí nósanna imeachta aontaithe a fhoilsiú; monatóireacht chórasach a thabhairt isteach; obair leantach chórasach ar choinníollacha speisialta bailíochtaithe.

5. Tá riosca ann nach mbeidh an QQI in ann a chuspóirí straitéiseacha a bhaint amach de bharr forbairtí seachtracha i gcúrsaí oideachais agus oiliúna, atá lasmuigh dá smacht, srianta ar acmhainní daonna agus easpa cultúir chorpáidigh agus straitéise inmheánaí cumarsáide a thacódh le fíis agus misean an QQI as a bhféadfadh sé titim amach nach mbeadh ar chumas an QQI a fheidhmeanna reachtúla a chomhlíonadh.

Arna mhaolú trí: pleanáil eagraíochtúil; tús aite a thabhairt do ghníomhaíochtaí bunaithe ar chroí-riachtanais ghnó; straitéis acmhainní daonna a chur i dtoll a chéile.

Achoimre ar Thorthaí Airgeadais 2016

I 2016 fuair an QQI €9.99 milliún idir deontas stáit, ioncam ó tháillí, cistiú AE agus eile. Caitheadh €9.83 milliún sa tréimhse chéanna. Chosain pá agus pinsin €4.8 milliún i 2016.

Gearáin faoin tSeirbhís

I 2016, fuair an QQI gearán amháin faoin tseirbhís.

Cosaint Sonraí

Geallann an QQI cearta agus príobháideacht daoine a chosaint ar aon dul leis na hAchtanna um Chosaint Sonraí 1998 agus 2003. Is éard is Cosaint Sonraí ann cosaint a thabhairt do cheart daoine ar phríobháideacht maidir le próiseáil sonraí pearsanta. Foráiltear san Acht le haghaidh sonraí a bhailiú agus a úsáid go freagrach, agus chun úsáidí neamhiarrtha agus úsáid dochracha sonraí a chosc. Cabhraíonn an QQI chun a chinntiú go bhfuil socruithe leordhóthanacha i bhfeidhm ag an QQI chun riachtanais na nAchtanna um Chosaint Sonraí a chomhlíonadh.

Aguisíní 1

Líon na ndámhachtainí a eisíodh i 2016 (Mórdámhachtainí, Miondámhachtainí, Dámhachtainí Forlíontacha, Dámhachtainí Sainchuspóra)

Leibhéal	Cineál Dámhachtana	2016
1	Mórdámhachtain	372
2	Mórdámhachtain	965
3	Mórdámhachtain	1,604
3	Dámhachtain Sainchuspóra	22
4	Mórdámhachtain	1,986
4	Dámhachtain Sainchuspóra	432
5	Mórdámhachtain	22,181
5	Dámhachtain Sainchuspóra	11,598
6	Miondámhachtain Ardoideachais	232
6	Mórdámhachtain	6,253
6	Dámhachtain Sainchuspóra	6,002
6	Dámhachtain Fhorlíontach	28
7	Miondámhachtain Ardoideachais	14
7	Mórdámhachtain	671
7	Dámhachtain Sainchuspóra	700
8	Miondámhachtain Ardoideachais	13
8	Mórdámhachtain	3,144
8	Dámhachtain Sainchuspóra	690
9	Miondámhachtain Ardoideachais	100
9	Mórdámhachtain	1,432
9	Dámhachtain Sainchuspóra	23
10	Mórdámhachtain	22

Aguisíní 2

Dámhachtainí an QQI dí-chomhbhailithe i 2016

Dámhachtainí QQI (dí-chomhbhailithe) i 2016; de réir chineál na dámhachtana agus de réir leibhéal den CNC. (Ní áirítear ar thábla ar bith dámhachtainí a fuarthas trí sholáthraithe a raibh údarás tarmilgthe acu).												
	Leibhéal 1	Leibhéal 2	Leibhéal 3	Leibhéal 4	Leibhéal 5	Leibhéal 6 FET	Leibhéal 6 HET	Leibhéal 7	Leibhéal 8	Leibhéal 9	Leibhéal 10	Iomlán
Mórdámhachtain	372	965	1,604	1,986	22,181	6,036	217	671	3,144	1,432	22	38,630
Mórdámhachtain	1,123	7,757	24,534	33,013	134,979	20,015	232	51	117	345		222,166
Dámhachtain Sainchuspóra			22	432	11,598	4,789	1,213	700	690	23		19,467
Dámhachtain Fhorlíontach						28						28



QQI

Quality and Qualifications Ireland
Dearbhú Cáilíochta agus Cáilíochtaí Éireann

26/27 Lána Denzille
Baile Átha Cliath 2
D02 P266
Éire
t +353 (0) 1 905 8100